

沅湘耆舊集前編

沅湘耆舊集前編卷第三

新化 鄧顯鶴 子立審編

男琮謹輯

李賀州邵 六首

邵字子元延唐人

今爲寧遠縣

爲河南參軍太和二年

應賢良方正能極言直諫科擢進士第一時昌平

劉蕡對策譏切時政指斥宦官考官馮宿等嗟伏

以爲過古晁董畏中官不敢取士人讀其辭至感

慨流涕於時被選者二十有三人子元爲首乃歎

曰劉蕡下第我輩登科吾顏其厚耶乃上疏讓蕡

曰陛下御正殿求直言使人得自奮臣才志懦劣

不能質今古是非使陛下聞未聞之言行未行之
事忽忽內思愧羞神明今費所對敢空臆盡言至
皇王之成敗陛下所防閑時政之安危不私所料
又引春秋爲據漢魏以來無與費比有司以言涉
訐忤不敢聞自詔書下萬口籍籍歎其誠鯁至于
垂涕謂費指切左右畏近臣銜怒變興非常朝野
惴息誠恐忠良道窮綱紀遂絕季漢之亂復興于
今以陛下仁聖近臣故無害忠良之謀以宗廟威
嚴近臣故無速敗亡之禍指事取驗何懼直言且
陛下以直言召天下士費以直言副陛下所問雖
訐必容雖過當獎書於史策千古光明使萬有一

賈不幸死天下必曰陛下陰殺讜直結飾海內忠
義之士皆憚誅夷人心一搖無以自解况臣所對
不及賈遠甚內懷愧恥自謂賢良奈人言何乞回
臣所授以旌賈直臣逃苟且之慙朝有公正之路
陛下免天下之疑顧不美哉疏奏不納時論服其
公直近臣忌之以河南參軍出爲賀州刺史有詩
六首全唐詩未爲採入不得謂不疏矣珠案邵字
元之義通鑒作邵侯閭切湖南通志引藝文志作
李邵字仲元楚紀作李郿今從劉賈傳作李邵歐
陽丈礪東詩鈔有劉諫議墓下詩云臥疴居然泉
口推人閒風漢總非才君看乞子誇輕賦終古何
人似李邵不作邵讀也楚寶謂先生此疏當與劉
去華對策並垂天壤誠然顧諫議之贈獨及昌平
而延唐不與共賀州思九疑詩忠憤之
氣溢於言表不竊全唐詩何以見遺

賀州思九疑作

我世家九疑山在宅之陽林叢倚虛壁峭拔絕坤方卓植
斗杓南序列儼成行煙嵐渺相接午影常中堂去畱如有
期勝覽誇新粧少懷不羈思那能繫空桑對此疑山高目
眩幾成疴飄風微我蕩此興頎然長幸隨長者車身便神
亦揚詎仍手中扶扶搖上翱翔雲開躋巒頂萬丈誠孤亢
俯眴總羣植纖纖若豪芒上與汗漫期倒景徹岡浪璇璣
盤胸次燦爛皆文章清風時掀髯世慮渾相忘伸手叩名
關闐闐鳴琅琅九垓若可極縱身托穹蒼四眺憑空忽興
盡思弓藏樊然下其肩稽首來帝旁有嚴淑多士登造皆
賢良探懷摠忠藎吾亦傾吾囊鋒鏑避英銳鉛鏡費揮張

臚傳動天閭顏厚何可常騰章控多遜遺珠映金光蔽賢
吾焉敢亦將勵名芳維皇怒斯赫投檄並炎荒恨望九峯
雲母遠在蓮塘夜分緝餘緒旦期裨袞袞美人弗可見此
心中茫茫朝哦甌嶺松夕把流霞觴何當解羈紲量移慰
悵愴嗤作盧敖遊願爲曼都狂長揖別臨賀策馬指延唐
時攜二三子葺彼山阿房覓覓迹其故餘復奚所望

遊九疑黃庭觀

靈峯標舜境神府枕疑川玉殿斜臨漢金堂迴架煙斷風
疏晚竹流水切寒絃別有月陂上空懷騎鶴仙

舜廟古杉

總負億年質高臨千仞峯貞心欺晚桂勁節掩寒松任彼

風颺折挺然霜雪衝莖凌霄漢表根蟠龍窟中仙客頻棲
舞良工何渺逢枝頭連理攀擁護聖神宮

過九疑山有懷

晚度疑山道依然想重華雲飄上苑葉雪映御溝花行歎
成塵遠坐令衣帶除交河通絕徼弱水浸流沙旅思徒漂
梗歸期未及瓜兩階干羽絕夜夜泣胡笳

麓牀

麓牀高接天伏虎上樓煙松低輕偃蓋藤細若鈎懸

石鑑

石明如挂鏡照物別嫌如鶴鷺時弄影何處覓神仙

于進士鄰

四十八首

鄴唐末進士詩一卷見全唐詩而無籍貫仕履全
五代詩作武陵人唐明宗時官至工部郎中爲尙
書廬文紀所抑囚醉忿自經文紀坐貶今案鄴有
下第不勝其忿題路左佛廟詩殆傳聞異也鄴爲
武陵人自來志乘均未之及蓋吾楚人之湮晦不
著於世者多矣全唐詩話後唐明宗時工部尙書
盧文紀與宰相崔協有隙協除鄴
工部郎中文紀以鄴與其父綱業名同音勣赴參
文紀不見鄴因醉忿自經死文紀坐貶官案鄴
南通志常德府志楚寶楚風補諸書俱無于鄴名
唐詩小傳稱爲唐末進士無里貫今從全五代詩
補入又國朝杜詒中晚唐詩叩彈集按于武陵
詩多與于鄴詩相混或云武陵卽鄴然唐藝文志
各有集非一人也

書懷

長安多路岐西去欲何依
浮世祇如此舊山長憶歸
自離京國久應已故人稀
好與孤雲住孤雲無是非

春過函谷關

幾度作遊客客行長苦辛
愁看函谷路老盡布衣人
歲遠關猶同時移草亦春
何當名利息遣此絕征輪

還家

爲客憶歸舍歸來還寂寥
壯時看欲過白首固非遙
獨酌幾回醉此愁終不銷
猶殘雞與犬驅去住山椒

白櫻桃

王母階前種幾株水晶簾內看如無
只應漢武金盤上滿得珊瑚白露珠

白櫻樹

記得花開雪滿枝和蜂和蝶帶花移只今花落遊蜂去空
作主人惆悵詩

下第不勝其忿題路左佛廟

雀兒未逐颺風高下視鷹鷂意氣豪自謂能生千里足黃
昏依舊委蓬蒿

秋夜達蕭關

擾擾浮梁路人忙月自閑去年爲塞客今夜宿蕭關亂國
幾經歲望鄉空見山不知紅葉下又作布衣還

與僧話舊

草堂前有山一見一相寬處世貴僧靜青松因歲寒他山

逢舊侶盡日話長安所以閑行迹千迴繞藥欄

匣中琴

世人無正心蟲網匣中琴何以經時廢非爲娛耳音獨令
高韻在誰感隙塵深應是南風曲聲聲不合今

王將軍宅夜聽歌

朱檻滿明月美人歌落梅忽驚塵起處疑有鳳飛來一曲
聽初徹幾年愁暫開東南正雲雨不得見陽臺

秋夕聞雁

星漢欲沈盡誰家砧未休忽聞涼雁至如報杜陵秋千樹
又黃葉幾人新白頭洞庭今夜客一半卻登舟

路傍草

春至始青青香車碾已平不知山下處來向路傍生每歲
有人在何時無馬行應隨塵與土吹滿洛陽城

洛中有懷

潺潺伊洛河寂寞少恩波鑾駕久不幸洛陽春草多

書情

負郭有田在年年長廢耕欲磨秋鏡淨恐見白頭生未作
一句別已過千里程不知書與劍十載兩無成

塗中作

西南千里程處處有車聲若使地無利始應人不營天涯
猶馬到石跡尙塵生如此未曾息蜀山終冀平

懷中郎事

風吹殘雨歇雲去有煙霞南浦足遊女綠蘋應發花遠鐘
當半夜明月入千家不作故鄉夢始知京洛賒

歲暮還家

東西流不駐白日與車輪殘雪半成水微風應欲春幾經
他國歲已減故鄉人回首長安道十年空苦辛

題華山麻處士所居

貴賤各擾擾皆逢朝市閒到此馬無迹始知君獨閑冰破
聽敷水雪晴看華山西風寂寥地唯我坐忘還

天南懷故人

獨行千里塵軋軋轉征輪一別已多日總看成老人洞庭
雪不下故國草應春三月煙波暖南風生綠蘋

送魏山韋處士

陰陰亭際閣相顧慘離顏一片雲飛去嵯峨空魏山

感懷

東風吹草色空使客蹉跎不設太平險更應遊子多幾傷
行處淚一曲醉中歌盡向青門外東隨渭水波

遊巾梁山

僻地好泉石何人曾陸沈不知青嶂外更有白雲深因此
見喬木幾回思舊林殷勤猿與鳥唯我獨何心

尋山

到此絕車輪萋萋草樹春青山如有利白石亦成塵水濶
應無路松深不見人如知巢與許千載迹猶新

宿江口

南渡人來絕喧喧雁滿沙
歲生江上月長有客思家
半夜下霜岸北風吹荻花
自驚歸夢斷不得到天涯

斜谷道

亂峯連壁嶂千里綠
我蜀國路如此遊人車亦過
遠煙當驛斂驟雨逐風多
獨憶紫芝叟臨風歌舊歌

過百牢關貽舟中者

蜀國少平地方思京洛閒
遠爲千里客來度百牢關
帆影清江水鈴聲碧草山
不因名與利爾我各應閒

客中覽鏡

何當開此鏡卽見髮如絲
白日急於水少年能幾時
每逢

芳草處長迢故園遲所以多爲客蹉跎欲怨誰

長安逢隱者

征車千里至碾遍六街塵向此有營地忽逢無事人昔時
顏未改浮世路多新且脫衣沽酒終南山欲春

贈王道士

日日市朝路何時無苦辛不隨丹竈客終作白頭人浮世
度千載桃源方一春歸來華表上應笑北邙塵

友人亭松

俛仰不能去如逢舊友同曾因春雪散見在華山中何處
有明月訪君聽遠風相將歸未得各占石巖東

過洛陽城

古來利與名俱在洛陽城九陌鼓初起萬車輪已行周秦
時幾變伊洛水猶清二月中橋路鳥哢春草生

客中月

離家凡幾宵一望一寥寥新魄又將滿故鄉應漸遙獨臨
彭蠡水遠憶洛陽橋更有乘舟客悽然亦駐橈

友人南遊不回因而有寄

相思春樹綠千里亦依依鄠杜月頻滿瀟湘人未歸桂花
風半落煙草蝶雙飛一別無消息水南車跡稀

長信宮

簾涼秋氣初長信恨何如拂黛月生指解鬟雲滿梳一從
悲畫扇幾度泣前魚坐聽南宮樂涼風搖翠裾

一失輦前恩綺羅生暗塵惟應深夜月獨伴向隅人長信
翠蛾老昭陽紅粉新君心似秋節不使草長春

東門路

東門車馬路此路在浮沈白日若不落紅塵應更深從來
名利地皆起是非心所以青青草年年生漢陰

南遊

窮秋幾日兩處處生蒼苔舊國寄書後涼天方雁來露繁
山草溼洲暖水花開去盡同行客一帆猶未回

夜泊湘江

北風吹楚樹此地獨先秋何事屈原恨不隨湘水流涼天
生片月竟夕伴孤舟一作南行客無成空白頭

夜尋僧不遇

數歇殘煙水漸非塵俗閒泉聲入秋寺月色遍寒山石路
幾回雪竹房猶閉闕不知雙樹客何處與雲閑

贈王隱者山居

石室埽無塵人寰與此分飛來南浦樹半是華山雪浮世
幾多事先生應不聞寒山滿西日空照雁成羣

寄北客

窮邊足風慘何處醉樓臺家去幾千里月圓十二回寒阡
隨日遠雪路向城開遊子久無信年年空雁來

夜與故人別

白日去難駐故人非舊容今宵一別後何處更相逢過楚

方千里到秦山幾重語來天又晚月落滿城鐘

過侯王故第

過此一駿辛行人淚有痕獨殘新碧樹猶擁舊朱門歌歇
雲初散簷空燕尙存不知彈鋏客何處感新恩

孤雲

南北各萬里有雲心更閑因風離海上伴月到人間洛浦
少高樹長安無舊山裴回不可駐漠漠又空還

遠水

悔作望南浦望中生遠愁因知人易老爲有水東流欲附
故鄉信不逢歸客舟萋萋兩岸草又度一年秋

感情

青山長寂寞南望獨高歌四海故人盡九原新壠多西沈
浮世日東逝川波不使年華駐此生能幾何

長信宮

莫問古宮名古宮空有城惟應東去水不改舊時聲

高樓

遠天明月出照此誰家樓上有羅衣裳涼風吹不休

張迴一首

迴唐末湖南人少年苦吟夢五色雲自天而下取
吞之遂精雅道詩一首

寄遠

錦字憑誰達閑庭草又枯夜長燈影滅天遠雁聲孤蟬吟

凋將盡此髯黑在無幾回愁不語因看朔方圖

案迴原詩第六句本

作虬髯白也無嘗攜此謁齊已點頭吟風爲改虬髯黑在無迴遙拜作一字師又吟窗雜錄天遠雁聲孤雁作鶴

陳光 三首

光唐末湖南人

題桃源僧

桃源有僧舍跬步異人天花亂似無主鶴鳴疑有仙軒廊

明野色松檜溼春煙定擬辭塵境依師過晚年

題陶淵明醉石

片石露寒色先生遺素風醉眠芳草合吟起白雲空道出

乾坤外聲齊日月中我知彭澤後千載與誰同

長安新柳

九陌雲初霽皇衢柳已新不同天苑景先得日邊春色淺
微含露絲輕未惹塵一枝方欲折歸去及茲晨

劉贊 一首

贊桂陽人唐宰相贈子瞻初婚李氏生贊幼孤性
鈍讀書終不記憶其舅李侍郎殷衡以劉氏不可
無後常加楚筆李夫人念其宿分不忍苦之一旦
不告他適數年方歸曰入嵩山遇白衣叟謂曰與
汝開心自是日誦一卷兼有文藻唐末擢進士第

充崇政院學士預時俊之流有詩一首

琮案贊名不見唐書

宰相世系表湖南通志從北夢瑣言採入且云瞻猶子慈自言家世合有一人得道即白衣叟其房弟于蓋以柳為二佛九仙之地故附會如此云全唐詩云唐末劉贊有三一魏州人舉進士為羅紹

贈羅隱

威判官仕唐明宗中書舍人一仕閩王曦為帥與
中丞其一即瞻子也皆與羅隱同時未知孰是今
從全五代詩湖南通志定為瞻子又瞻父景亦有
詩名景字司光鄭綱為御史巡荆部至商山驛亭
瞻眺巖嵐奇秀方欲吟詩顧見壁間新題一絕乃
景作也大奇之戒子弟與共學元和間景擢進士
第劉禹錫贈詩云湘中才子是劉郎望在長沙
住桂陽昨日鴻都新上第五陵年少讓清光

人皆言子屈獨我謂君非明主既難謁青山何不歸年虛
侵雪鬢塵枉汚麻衣自古逃名者至今名豈微
句

絮花飛起雪漫漫長得宮娥帶笑看
柳枝詞 見
吟香雜錄

江浦耆舊集前編卷第四

新化 鄧顯鶴 子立審編

男琮謹輯

李校書羣玉 古體詩四十三首

羣玉字文山澧州人性曠逸赴舉一上而止惟以吟詠自適表休觀察湖南延致之及爲相以詩論

薦授宏文館校書郎未幾乞假歸卒集三卷後集

五卷 四年庫全書總目羣玉字文山澧州人大中

八年詣闕進詩表及令狐綯薦宏文館校書郎其集有載

羣玉進詩表及令狐綯薦宏文館校書郎其集有載

利歌行古體今體七言今體五言四通台三百首

考劉禹錫作柳宗元集序稱三十二通則唐時以

一通爲一卷今本三卷已與表不合又表稱三百

首而今本正集僅一百三十五首外集亦僅二百

一十三首合之不足三百之數觀中卷之末有出

春明門一首自註曰時請告歸則此集雖仍以歌
行古體今體七言今體五言分日而已兼得官以
後之詩甚復奏進之原本太廣記載羣玉題
湘君事甚與其詩今載後集第三卷然前一首為
弔古之詞無嫌襲之意後集一首寫當時棹女與二
妃尤不相關况羣玉雖放誕風流亦豈敢造作言
語遺慢神明汚穢古聖殆因其詩為感甄李善至引
家因造此事附會之耳洛神謠為感甄李善至引
以註文選俗語丹青往往如是未可據為實也
唐音統籤傳習同南都新書羣玉好吹笙常使
家僮奏之又善急就章性喜養白鷺溫肇贈詩云
妙吹應諧鳳工書定得鸞是也嘗題詩黃陵廟神
告以二年之兆果如期歿洪非事詳段成式詩集
輕脫所遺不厚今羣玉其行則清介高節之人非輕
率之士也力干弔羣玉故居詩計直上書難遇主
銜冤下世未成翁段成式詩表老無兒女累誰哭到
泉臺亦詩人之窮者進詩表草澤臣羣玉名臣
宗緒濁淪邱壑賤品幽沈江介分託漁樵伏遇皇
帝陛下運屬昇平率士歡秦沐雨露育之化在
蕙風長養之閒願同率舞之誠遠逐越裳之貢願
以鼓腹動華之代怡情林阜之隈涵泳皇風殆忘

仕進以致年踰不惑病恙暴侵但慮寒餓江湖之
濱與枯魚涸鱗為伍眼目黃壤虛謝文明是以徒
步負琴遠至輦下謹捧所業歌行古體七言今體
五言今體等合三百首謹請光順門為祥煙照熙
以卿雲在天草木五色廣野之氣燭為祥煙照熙
含生盡躋壽域白日亭午物無斜陰方今風后提
衡庶尹咸秩言語侍從之列皆嚴徐班馬之倫凡
在墨客詩人歌詠聲明文物不暇何暇取議諷刺
於筆端臣所貢前件歌詩以居住沅湘宗師屈宋
楓江蘭浦蕩思搖情蕪顙之餘過於諷野天文不
到徒鏡星漢之高滄海攸歸豈阻潢汙之陋然則
爨桐不爆倏成曲突之煙埋劍無光永作幽泉之
鐵巴嶺下調塵觸天聽螻蟻之微伏待刑戮謹拜
表陳獻以聞無任焚灼隕越屏營之至臣羣玉誠
惶誠恐頻有死罪謹言延英口宣勅旨卿所進
歌詩異常常雅朕已遍覽今有少錦衫器賜卿
宜領取夏熱卿比年安好中書侍郎令狐綯等
薦狀羣玉苦心歌篇屏迹林壑佳句流傳於眾口
芳聲藉甚於一時守道安貧遠絕名利當文明之
盛代宜備搜羅俾典校於瀛洲竹光志業臣等今
日延英已面陳奏狀伏奉聖旨令典一文學官者
臣等商量望授宏文館校書郎未審可否謹具奏

聞伏聽勅旨制詞李羣玉放懷邱壑吟詠性情
孤雲無心浮磬有韻吐妍詞於麗則動清律於風
騷冥鴻不歸羽翰自逸羈豹遠跡文彩益奇信不
試而逾精能久幽而獨樂念其求志可以言詩用
是繫維俾之刊校可守宏文館校書郎中書侍郎
兼戶部尚書平章事臣台狐綯宣奉司勳郎中知
制誥臣鄭處約行童明父集唐志裴休為相薦
援羣王為校書郎按大中八年令狐綯為中書侍
郎兼戶部尚書同中書門下平章事崔鉉守尚書
右僕射兼門下侍郎同中書門下平章事裴休禮
部尚書諸道鹽鐵轉運使同中書門下平章事蓋
三人並相時而薦達則本於休也明父施州衛人
是集山其家藏胡震亨記余舊鈔宋本文山集
缺其七首嘉靖中禮人劉崇文刻者為全外王父
力伯劉公於秉憲於澧州得之為吾中表元將鐸
所藏因得補完余書曾校元將功為多不獨此編
也癸未仲冬月

烏夜啼

層波隔夢渚一望青楓林有鳥在其間達曉自悲吟是時

月滿天四野煙雨深如聞生離哭其聲痛人心悄悄夜正
長空山響哀音遠客不可聽坐愁華髮侵既非蜀帝魂恐
是桓山禽四子各分散母聲猶至今

昇仙操

羸女去秦宮瓊笙飛碧空鳳臺閉煙霧鸞吹飄天風復聞
周太子亦遇浮邱公叢簧發仙弄輕舉紫霞中濁世不久
駐清都路何窮一去霄漢上世人那得逢

雨夜呈長官

遠客坐長夜雨聲孤寺秋請量東海水看取淺深愁愁窮
重於山終年壓人頭朱顏與芳景暗赴東波流鱗翼思風
水青雲方阻修孤鐙冷素蠶蠹響寒房幽借問陶淵明何

物號忘憂無因一酩酊高枕萬情休

小弟艤南遊近書來

湘南客帆稀遊子寡消息經時停尺素望盡雲邊翼笑言
頻夢寐獨立想容色落景無來人修江入天白停停倚門
念瑟瑟風雨夕何處泊扁舟迢遞湍波側秋歸舊窗竹永
夜一淒寂吟爾鵲鵲篇中宵慰相憶

私怨

瑟瑟涼海氣西來送愁容金風死綠蕙玉露生寒松所思
在溟碧無因一相逢登樓睇去翼目盡滄波重虛窗度流
螢斜月曉幽蛩疏紅落殘豔冷水凋芙蓉歲暮空太息年
華逐遺蹤凝情耿不寐攬涕起疏慵

感春

春情不可狀，臨鑑令人醉。
暮水綠楊愁，深窗落花思。
吳宮新暖日，海燕雙飛至。
秋思逐煙光，空濛滿天地。

將遊羅浮登廣陵楞伽臺別羽客

清境登高臺，晃明縱覽歷。
濯泉喚仙風，於此盪靈魄。
冷光邀遠目，百里見海色。
送雲歸蓬壺，望鶴滅秋碧。
波瀾收日急，天自回澄寂。
百越落掌中，十洲點空白。
身居飛鳥上，口詠字字籍。
飄如出塵籠，想望吹簫客。
冥冥人閒世，歌笑不足惜。
竭來羅浮巔，披雲煉瓊液。
謝公雲岑興，可以躡高跡。
吾將抱瑤琴，絕境縱所適。

盧溪道中

曉發潯陽亭夜宿潯潯水風簾掃石灘琴聲九十里光奔
覺來眼寒落夢中耳曾向三峽行巴江亦如此

湖中古愁三首

涼風西海來直渡洞庭水飕飕木葉下白浪連天起蘅蘭
委皓雪百草一時死摧殘負志人感歎何窮已

昔我觀雲夢窮秋經汨羅靈均竟不返怨氣成微波奠桂
闕古祠朦朧入幽蘿落日瀟湘上淒涼吟九歌

南雲哭重華水死悲二女天邊九點黛白骨迷處所朦朧
波上瑟清夜降北渚萬古一雙魂飄飄在煙雨

古鏡

明月何處來朦朧在人境得非軒轅作妙絕世莫並瑤匣

閑旭日白電走孤影泓澄一尺天徹底寒霜景冰輝凜毛
髮使我肝膽冷忽驚行深幽面落九秋井雲天入掌握爽
朗神魂淨不必負局仙金沙發光炯陰沈蓄靈怪可與天
地永恐爲悲龍吟飛去在俄頃

我思何所在

我思何所在乃在陽臺側良宵相望時空此明月色歸魂
泊湘雲飄蕩去不得覺來理舟楫波浪春湖白煙光浩楚
秋瑤草不忍摘因書天末心繫此雙飛翼

感興四首

子雲吞白鳳遂吐太元書幽微十萬字枝葉何扶疏婉孌
猛虎口甘言累其初一觀美新作斯瑕安可除

昔竊不死藥，奔空有嫦娥。盈盈天上豔，孤潔棲金波。織女
了無語，長宵隔銀河。軋軋揮素手，幾時停玉梭。

洞房三五夕，金釭凝焰滅。美人抱雲和，斜倚紗窗月。沈吟
想幽夢，閨思深不說。弦冷玉指寒，含顰待明發。

朔雁銜邊秋，寒聲落燕代。先驚愁人耳，顏髮潛消改。凝雲
蔽洛浦，夢寐勞光彩。天邊無書來，相思淚成海。

將之吳越留別坐中文酒諸侶

秋色滿水國，江湖興蕭然。氛埃斂八極，萬里淨澄鮮。滄浦
縱孤櫂，吳門渺三千。迴隨衡陽雁，南入洞庭天。早聞陸士
龍矯掌跨山川，非思鱸魚膾。且弄五湖船，暝泊遠浦霞。晚
飯蘆洲煙，風流訪王謝。佳境恣迴沿，霜翦別岸柳。香枯北

流連歲華坐搖落寂寂感流年明朝卽漂萍離恨無山宣
相思空江上何處金波圓

登宜春醉宿景星寺寄鄭判官兼簡空上人

曉發碧水陽暝宿金山寺松風灑寒雨淅瀝醒餘醉夜中
香積飯蔬粒具精異境寂滅塵愁神高得詩思皎皎滎陽
子芳春富才義漲海豁心源冰壺見門地碧霄有鳩序未
展聯行翅俱笑一尺繩三年絆騏驥摧藏擔簦客鬱抑胸
襟事名業爾未從臨風嘿舒志一身渺雲嶺中夜空涕泗
側枕對孤鐙衾寒不成寐糧薪極桂玉大道生榛刺恥息
惡木陰難晝劍歌意揚鞭入蒼蒼山驛凌煙翠越鳥日南
飛芳音願相次

江樓獨酌懷從叔

水國發爽氣川光靜高秋酣歌金尊醪送此清風愁楚色
忽滿目灘聲落西樓雲翻天邊葉月弄波中鉤芳意長搖
落荷蘭謝汀洲長吟碧雲合悵望江之幽

登章華樓

楚子故宮地蒼然雲水秋我來覽從事落景空生愁伯業
沒荊棘雄圖成古邱沈吟問鼎語但見東波流征鴻引鄉
心一去何悠悠晴湖碧雲晚暝色空高樓迢遞趨遠嶠微
茫入孤舟空路不堪望西風白浪稠

湘西寺霽夜

雨過琉璃宮佳興浩清絕松風冷晴灘竹路踏碎月月波

蕩如水氣爽星朗滅皓夜千樹寒崢嶸萬巖雪後山鶴唳
斷前池荷香發境寂涼夜深神思空飛越

洞庭入澧江寄巴邱故人

四月桑半枝吳蠶初弄絲江行好風日燕舞輕波時去事
旋成夢來歡難預期唯憑東流水日夜寄相思

自澧浦東遊江表途出巴邱投員外從公廣

短翮後飛者前攀鸞鶴翔力微應萬里矯首空蒼蒼誰昔
探花源考槃西岳陽高風動商洛綺皓無馨香一朝下蒲
輪清輝照巖廊孤醺立眾醉古道何由昌經術震浮盪國
風埽齊梁文襟卽元圃筆下成琳琅霞水散吟嘯松筠奉
琴觴冰壺避皎潔武庫羞鋒鋌小子書代耕束髮頗自強

艱哉水投石壯志空摧藏十年侶龜魚垂頭在沅湘巴歌
拚白雪鮑肆埋蘭芳騷雅道未喪何憂名不彰飢寒束困
厄默塞飛星霜百志不成一東波擲年光塵生脫粟甑萬
里達高堂中夜恨火來焚燒九回腸平明梁山嶽緣枕霜
匡牀依泊洞庭波木葉忽已黃哀磻擣秋色曉月嘯寒螿
復此櫂孤舟雲濤浩茫茫朱門待媒勢短褐誰揄揚仰羨
野陂鳬無心憂稻梁不如天邊雁南北皆成行男兒白日
閒變化未可量所希困辱地翦拂成騰驤昨筆話肝肺詠
茲枯魚章何由首西路目斷白雲鄉

送鄭子寬棄官東遊便歸女兒

八月湖浸天揚帆入秋色岷峨雪氣來寒漲瀟湘碧子真

冥鴻志不逐籠下翼九女疊雲屏於焉恣栖息新詩山水
思靜入陶謝室因醉松花春追攀紫煙客相逢十年舊嘖
笑等歡懽一飯玉露蔬中腸展堆積停食不盡意傾景悵
可惜雲水一分飛離憂洞庭側迴車三鄉路仙菊正堪摘
寄謝杜蘭香何年別張碩

長沙九日登東樓觀舞

南國有佳人輕盈綠腰舞華筵九秋暮飛袂拂雲雨翩如
蘭若翠婉若游龍舉越豔罷前溪吳姬停白紵

慢態不能窮繁姿曲向終低回蓮破浪凌亂雪縈風墜珥
時流盼修裾欲遡空唯愁捉不住飛去逐鷺鴻

龍山人惠石廩方及團茶

客有衡岳隱遺余石廩茶自云淩煙露采掇春山芽珪璧
相壓疊積芳莫能加碾成黃金粉輕嫩如松花紅鑪爨霜
枝越兒斟井華灘聲起魚眼滿鼎漂清霞凝澄坐燒鐙病
眼如蒙紗一甌拂昏寐襟鬲開煩拏顧渚與方山誰人留
品差持甌然吟味搖膝空咨嗟

宿鳥遠峽北臺遇風雨

孤鶴長松顛獨宿萬巖雨龍湫在石脚引袂時一取驚風
折喬木飛焰獵窗戶半夜霹靂聲高齋有人語

岳陽春晚

不覺春物老塊然湖上樓雲沙鷗鷁思風日沅湘愁去翼
滅雲夢來帆指昭邱所嗟芳桂晚寂寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏鸚鵡憑高
送春日流恨傷千古遐思禰衡才令人怨黃祖

將離澧浦置酒野嶼奉懷沈正字昆弟三人聯登高
第

春月三改兔花枝成綠陰年光東流水浩歎傷羈心酌桂
煙嶼晚鳴鳩江草深良圖一超忽萬恨空相尋上國刈翹
楚才微甘陸沈無鐙假貧女有淚沾牛衾衡岳三麒麟各
振黃鐘音卿雲被文彩芳價搖詞林夫子芸閣英養鱗湘
水潯晴沙踏蘭菊隱几當青岑明日洞庭上悠揚挂離襟
停觴一搖筆聊寄生芻吟

湘中別成威閣黎

至哉彼上人冰霜凜規則遊心杳何境宴坐入冥默解空
與密行名臘信崇德吐論駕秋濤龍宮發胸臆羣迷行大
夜浩浩一昏黑赤水千丈深元珠幾人得持栢挹溟漲至
理安可測甯假喻芭蕉真成喫薺蔔松聲埽白月霽夜來
靜域清梵罷法筵天香滿衣袂何方濟了岸祇仗慈航力
願與十八賢同棲翠蓮國

別尹鍊師

吾家五千言至道懸日月若非函谷令誰注流沙說多君
飛昇志機悟獨超拔學道玉笥山燒丹白雲穴南窮衡嶽
秀采藥歷幽絕夜臥瀑布風朝行碧巖雪洞宮四百日玉

籍恣探閱徒以齒蟪蚤緬變修真訣塵籠罩浮世遐思空
飛越一罷棋酒歡離情滿寥次願騎紫蓋鶴早向黃金闕
城市不可畱塵埃穢仙骨

將之京國贈薛員外

黃葉下空館寂寥寒雨愁平居歲華晏絡緯嘯林幽節物
凋壯志嚙嗟不能休空懷趙鞅歎變化良無由所思杳何
如側身仰皇州蒼煙晦楚野寒浪埋昭邱趙壹賦命薄陳
思多世憂翻然羨魚鳥暢矣山川遊薛公龍泉發其氣在
斗牛南冠束秀髮白石勞悲謳圭衮照崇闕文儒嗣箕裘
曠然方寸地霽海浮雲舟澧浦一遺佩郢南再悲秋叫閭
路既阻浩蕩懷靈修莫奏武溪笛且登仲宣樓亭通與否

閉物理相沈浮天子坐宣室
夔龍奉謨猷行當賜環去豈
作遺賢羞

送魏珪覲省

木落楚色深風高浪花白送
君飛一葉鳥逝入空碧猗歎
白華秀傷心倚門夕不知雲
漲遙萬里看咫尺蕭蕭青楓
岸去揜江山宅離觴有黃花
節物助淒感瀟湘入濡桂一
路縈水石煙蘿拂行舟玉鱗
鏘枕席多君林泉趣耽翫日
成癖長嘯凌清暉襟情當雪
滌登龍屈指內飛轡甚籍籍
未折月中枝甯隨宋都鵠曰
余吞聲地舉足傷瓦礫見爾
一開顏溫明乃珠璧春風到
雲嶠把酒時相憶荳蔻花入
舩鷓鴣嘯送客颺天與瘴海
此去備沿歷珍重春官英加

餐數刀帛

始忝四座奏狀聞薦蒙恩授官旋進歌詩延英宣賜
言懷紀事呈同館諸公二十四韻

兩鬢有二毛光陰流浪中形骸日土木志氣隨雲風冥然
楚江畔蕭條林巷空幽鳥事翔翥斂翼依蒿蓬一飯五放
箸愀然念途窮孟門在步武所向何由遘祗徵大易言物
否不可終庶期白雪調一奏驚凡聾昨忝丞相召揚鞭指
冥鴻姓名挂丹詔文句飛天聰解穉龍鳳署懷鉛蘭桂叢
聲名仰聞見煙漢陪高蹤我我羣玉山肅肅紫殿東神飈
泛鐘漏佳氣浮筠松白顧珉玖璞何緣侶圭琮羣賢垂重
價省已增磨礪天子棲穆清三台付夔龍九霄降雨露萬

國望時雍巍巍致君期勛華將比崇承天四柱石巖若窺
衡嵩日見帝道昇謀猷垂景鍾寰瀛納壽域翔泳皆冲融
百神儼云亭佇將告成功吾徒事文藻曠首歌登封

廣州重別方處士之封川

原注久約同遊羅浮期素秋而行

楚國傲名客九州徧芳聲白衣謝簪紱雲臥重巖局長波
飛素舸五月下南溟大笑相逢日天邊作酒星

七年一雲雨常恨輝容隔天末又分襟離憂鬢堪白願回
陵湖櫂且著登山屐共期羅浮秋與子醉海色

洞庭遇秋

塵愁老來顏久與江山隔逍遙澄湖上洗眼見秋色涼波
弄輕櫂湘月生遠碧未減遙客情西望杳何極

寄短書歌

骨肉萍蓬各天末十度附書九不達孤臺冷眼無來人楚
水秦天莽空濶翔雁橫秋過洞庭西風落日浪崢嶸三年
音信凝顰外一曲哀歌白髮生

醒起獨酌懷友

西風靜夜吹蓮塘芙蓉破紅金粉香摘花把酒弄秋芳吳
雲楚水愁茫茫美人此夕不入夢獨宿高樓明月涼

競渡時在湖外偶爲成章

雷奔電逝三千兒彩舟畫楫射初暉喧江雷鼓鱗甲動三
十六龍銜浪飛靈均昔日投江死千古沈魂在湘水綠草
斜煙日暮時笛聲幽遠愁江鬼

沅湘耆舊集前編卷第四終

沅湘耆舊集前編卷第五

新化 鄧顯鶴 子立審編

男琮謹輯

李校書羣玉

今體詩一百一十一首

新荷

田田八九葉散點綠池初嫩碧纔平水圓陰已蔽魚浮萍
遮不合弱荇繞猶疏半在春波底芳心卷未舒

初月二首

澹澹流光淺娟娟汎露輕雲閒龍爪落簾上玉鈎明桂樹
枝猶小仙人影未成欲爲千里別倚幌獨含情

鏡臺立戶前細魄向娟娟破鏡徒相問刀頭恐隔年輕輕

沙渚看春多
前集卷五
搖遠水脈脈下春煙別後春江上隨人何處圓

石澗

古岸陶爲器高林盡一焚
餽紅湘浦日煙濁洞庭雲迴野
煤飛亂遙空爆響聞地形穿鑿勢恣到祝融墳

雲安

灘惡黃牛吼城孤白帝秋水寒
巴字急歌迴竹枝愁樹暗
荆王館雲昏蜀客舟瑤姬不可見行雨在高邱

湖閣

楚色籠青草秋光洗洞庭
夕霏生水寺初月落雲汀
橫簾來空濶漁歌去杳冥
欲浮闌下艇一到斗牛星

失鶴

瑤臺煙霧外一去不迴心暗海蓬壺遠秋風碧落深墮翮
留片雪雅操入孤雲不是籠中物雲蘿莫更尋

臘夜雪霽月彩交光開閣臨軒竟睡不得命家僕吹
笙數曲獨引一壺奉寄江陵副使杜中丞

月華臨霽雪皓彩射貂裘桂酒寒無醉銀笙凍不流懷哉
梁苑客思作剡溪遊竟夕吟瓊樹川途恨阻修

長沙陪裴大夫登北樓

巖嶂隨高步琴尊奉勝遊金風吹綠簾湘水入朱樓朗抱
雲開月高情鶴見秋登臨多暇日非爲賦消憂

登蒲澗寺後二巖三首

五仙騎五羊何代降茲鄉澗有堯年韭山餘禹日糧樓臺

籠海色草樹發天香浩漭波光裏浮溟興甚長

行盡崎嶇路驚從汗漫遊青天豁眼快碧海醒心秋便欲
尋河漢因之犯斗牛九霄身自致何必遇浮邱

南溟吞越絕極望碧鴻濛龍渡潮聲裏雷喧雨氣中趙佗
邱壠滅馬援鼓輦空遐想魚鵬化開襟九萬風

早鴻

木落波浪動南飛聞夜鴻參差天漢霧嘹唳月明風野水
蓮莖折寒泥稻穗空無令一行侶相失五湖中

旅泊

搖落江天裏飄零倚客舟短篇纔遣悶小釀不供愁沙雨
潮痕細林風月影稠書空閑度日深擁破貂裘

半醉

處俗常如病看花亦似秋若無時復酒甯遣鎮長愁漸覺
身非我都迷蝶與周何煩五色藥尊下卽丹邱

晚蓮

露冷芳意盡稀疏空碧荷殘香隨暮雨枯蘂墮寒波楚客
罷奇服吳姬停擢歌涉江無可寄幽恨竟如何

廣江驛餞筵畱別

別筵欲盡秋一醉海西樓夜雨寒潮水孤鐙萬里舟酒飛
鸚鵡重歌送鷓鴣愁惆悵三年客難期此處遊

桑落洲

九江寒露夕微浪北風生浦嶼漁人火蒹葭颺雁聲蘋雪

晦廬岳微鼓辨湓城遠憶天邊弟曾從此路行

杜門

且詠閑居賦飛翔去未能春風花嶼酒秋雨竹溪鐙世路
變陵谷時情驗友朋達生書一卷名利付春冰

經費拾遺所居呈封員外

雲臥竟不起少微空隕光唯應孔北海爲立鄭公鄉舊館
苔蘚合幽齋松菊荒空餘書帶草日日上階長

九日陪崔大夫讌清河亭

玉醴浮金菊雲亭傲玳筵晴山低畫浦斜雁遠書天謝眺

離都日殷公出守年不知瑤水讌誰和白雲篇

原注近見去年聖製

黃菊
聯句

桂州經佳人故居瑛樹

種樹人何在
攀枝空歎嗟
人無重見日
樹有每年花
滿院雀聲莫
半庭春景斜
東風不知恨
徧地落餘霞

中秋廣江驛示韋益

莫惜三更坐
難消萬里情
同看一片月
俱在廣州城
淚逐金波滿
魂隨夜鵲驚
支頤鄉思斷
無語到雞鳴

長沙開元寺昔與故長林許侍御題松竹聯句

牆陰數行字
懷舊慘傷情
薜荔侵年月
莓苔壓姓名
逝川前後水
浮世短長生
獨立秋風暮
凝顰隔郢城

遊玉芝觀

尋仙向玉清
獨倚雪初晴
木落寒郊迴
煙開疊嶂明
片雲

盤鶴影孤碧雜松聲且共探元理歸途月未生

長沙春望寄涪陽故人

清明別後雨晴時極浦空顰一望眉湖畔春山煙黯黯雲
中遠樹黑離離依微水戍聞疏鼓掩映河橋見酒旗風暖
草長愁自醉行吟無處寄相思

規公業在淨名得甚深義僕近獲顧長康月宮眞影
對戴安道所畫文殊走筆此篇以屈瞻禮

五濁之世塵冥冥達觀棲心於此經但用須彌藏芥子安
知牛跡笑東溟生公吐辯眞無敵顧氏傳神實有靈今日
淨開方丈室一飛白足到茅亭

玉眞觀

高情帝女端乘鸞紺髮初簪玉葉冠

原注公主玉葉冠時人莫計其價秋

月無雲生碧落素葉寒露出清瀾層城煙霧將歸遠浮世
塵埃久住難一自簫聲飛去後洞宮深掩碧瑤壇

辱絳州于中丞書信

一絨垂露到雲林中有孫陽念驥心萬木自凋山不動百
川皆旱海長深風標想見瑤臺鶴詩韻如聞淥水琴他日

縱陪池上酌已應難到暎猿吟

原注渴疾漸加酒戶日減

重經巴邱追感

原注開成初陪故員外從翁詩酒遊泛

昔年高接李膺歡日汎仙舟醉碧瀾詩句亂隨青草發酒
腸俱逐洞庭寬浮生聚散雲相似往事微茫夢一般今日
片帆城下去秋風回首淚闌干

湘陰江亭卻寄友人

湘岸初晴淑景遲，風光正是客愁時。
幽花暮落騷人浦，芳草春深帝子祠。
往事隔年如過夢，舊遊回首盡追思。
煙波自此扁舟去，小酌文園杳未期。

哭郴州王使君

銀章朱紱照雲驄，六換魚書惠化崇。
瑤樹忽傾滄海裏，醉鄉翻在夜臺中。
東山妓逐飛花散，北海尊隨逝水空。
曾是綺羅筵上客，一來長慟向春風。

九日已邱楊公臺上讌集

淒淒霜日上高臺，水國秋深客思哀。
萬疊銀山寒浪起，一竿斜字早鴻來。
誰家擣練孤城暮，何處題衣遠信回。
江漢

路長身不定菊花三笑旅萍開

奉和張舍人送秦鍊師歸岑公山

仙翁歸臥翠微岑一夜西風月峽深松逕定知芳草台玉
書應念素塵侵閑雲不繫東西影野鶴甯知去住心蘭浦
蒼蒼春欲暮落花流水怨離琴

寄張祐

原注祐亦未面
頻寄聲相聞

越水吳山任興行五湖雲月挂高情不遊都邑鞠平子只
向江東作步兵昔歲芳聲到童稚老來佳句徧公卿如君
氣力波瀾地畱取陰何沈范名

寄長沙許侍御

三年文會許追隨和徧南朝雜體詩未把彩豪還郭璞乞

畱殘錦與邸遲竹齋琴酒歡成夢水寺煙霞賞對誰今日
秋風滿湘浦祇應搔首詠瓊枝

長沙紫極宮雨夜愁坐

獨坐高齋寒擁衾洞宮臺殿杳沈沈春鐙含思靜相伴夜
雨滴愁更向深窮達未知他日事是非皆到此時心羈縻
摧翦平生志抱膝時爲梁甫吟

江樓閑望懷關中親故

搖落江天欲盡秋遠鵠高送一行愁音書寂絕秦雲外身
世蹉跎楚水頭年貌暗隨黃葉去時情深付碧波流風淅
日冷江湖絕駐目寒空獨倚樓

仙明洲口號

長愛沙洲水竹居。暮江春樹綠陰初。浪翻新月金波淺。風
損輕雲玉葉疏。半浦夜歌聞澗槩。一星幽火照叉魚。二年
此處尋佳句。景物常輸楚客書。

送蕭十二校書赴郢州婚姻

蓬萊才子卽蕭郎。綵服青書卜鳳皇。玉珮定催紅粉色。錦
裘應惹翠雲香。馬穿暮雨荆山遠。人宿寒燈郢夢長。領取
和鳴好風景。石城花月送歸鄉。

醉後贈馮姬

黃昏歌舞促瓊筵。銀燭臺西見小蓮。二寸橫波回慢水。一
雙纖手語香弦。佳形淺拂梁家黛。瓜字初分碧玉年。願託
襄王雲雨夢。陽臺今夜降神仙。

廣州陪涼公從叔越臺讌集

一逕松梢踏石梯步窮身在白雲西日銜赤浪金車沒天
拂滄波翠幕低高鳥散飛驚大旆長風萬里卷秋聲玉鈞
挂海笙歌合珠履三千半似泥

將欲南行陪崔八讌海榴亭

朝讌華堂暮未休幾人偏得謝公留風傳鼓角霜侵戟雲
卷笙歌月上樓賓館盡開徐孺榻客帆空戀李膺舟設誇
書劍無歸處水遠山長步步愁

湖寺清明夜遣懷

柳暗花香愁不眠獨凭危檻思淒然野雲將雨渡微月沙
鳥帶聲飛遠天久向飢寒拋弟妹每因時節憶團圓餒飡

冷酒明年在未定萍蓬何處遊

九日

年年羞見菊花開十度悲秋上楚臺半嶺殘陽銜樹落一行斜雁向人來行雲永絕襄王夢野水偏傷宋玉懷絲管闌珊歸客盡黃昏獨自詠詩迴

同鄭相并歌姬小飲戲贈

襦袍六幅湘江水鬢聳巫山一段雲風格應天上有歌聲豈合世閒聞胸前瑞雪鐙斜照眼底桃花酒半醺不是相如憐賦客爭教容易見文君

秣陵懷古

野花黃葉舊吳宮六代豪華燭散風龍虎勢衰佳氣歇鳳

皇名在故臺空市朝遷變秋蕪綠墳塚高低落照紅霸業
鼎圖人去盡獨來惆悵水雲中

黃陵廟

小姑洲北浦雲邊二女嘯粧共儼然野廟向江春寂寂古
碑無字草芊芊風迴日暮吹芳芷月落山深哭杜鵑猶似
含顰望巡狩九疑愁斷隔湘川

送秦鍊師歸岑公山

紫泥飛詔下金鑾列象分明世仰觀北省諫書藏舊草南
宮郎署握新蘭春歸鳳沼恩波暖曉入鴛行瑞氣寒偏是
此生棲息者滿衣零淚一時乾

潯陽觀水

朝宗漢水接陽臺
哈呀填坑吼作雷
莫見九江平穩去
還從三峽嶮巖來
南經夢澤寬浮日
西出岷山劣泛杯
直至滄溟涵貯盡
深沈不動浸昭回

謫仙吟贈趙道士

汗漫東遊黃鶴雛
繡繡雲仙子住清都
三元麟鳳推高座
六甲風雷闕小壺
日月暗資靈壽藥
山河直擬化生符
若爲失意居蓬島
鼈足塵飛桑樹枯

長沙陪裴大夫夜讌

東山夜讌酒成河
銀燭熒煌照綺羅
四面雨聲籠笑語
滿堂香氣泛笙歌
泠泠玉漏初三滴
澹澹金觴已半醺
共向柏臺窺雅量
澄陂萬頃見夫和

寶劍

雷煥豐城掘劍池年深事遠跡依稀泥沙難掩衝天氣風
雨終思發匣時夜電尙搖池底影秋蓮空吐鏐邊輝自從
星坼中台後化作雙龍去不歸

九子坡聞鷓鴣

落照蒼茫秋草明鷓鴣啼處遠人行正穿詰曲崎嶇路更
聽鉤輅格磔聲曾泊桂江深岸雨亦于梅嶺阻歸程此時
爲爾腸干斷乞放今宵白髮生

客愁二首

客愁看柳色日日逐春深蕩漾春風起誰知歷亂心
客愁看柳色日日逐春長憑送湘流水脉脉入帝鄉

洞庭乾二首

借問蓬萊水誰逢青淺年傷心雲夢澤歲歲作桑田
朱宮紫貝闕一旦作沙洲八月還平在魚蝦不用愁

病起別主人

益媿千金少情將一飯殊恨無泉客淚盡泣感恩珠

火鑪前坐

孤鐙照不寐風雨滿西林多少關心事書灰到夜深

古詞

一合相思淚臨江灑素秋碧波如會意卻與向西流

傷小女癡兒

哭爾春日短支頤長歎嗟不如半死樹猶吐一枝花

青鷁

獨立蒹葭雨低飛浦嶼風須知毛色異莫入鷺鷥叢

池塘晚景

風荷珠露傾驚起睡鵝鵲月落池塘靜金刀翦一聲

投從叔

可惜出羣驍毛焦久臥泥孫陽如不顧駉驥向誰嘶

讀賈誼傳

卑溼長沙地空拋出世才已齊生死理服鳥莫爲災

寄人

寄語雙蓮子須知用意深莫嫌一點苦便凝棄蓮心

寄韋秀才

別臺同諸客寥落共含情空館相思夜孤鐙照雨聲

桂州經佳人故居

桂水依舊綠佳人今不還祇應隨夢雨飛入九疑山

山空天籟寂水榭延輕涼浪定一浦月藕花閑自香

靜夜題

寄友二首

野水晴山雪後時獨行村落更相思無因一向溪頭醉處
處寒梅映酒旗

花落輕寒酒熟遲醉眠不及落花期愁人相憶春山暮煙
樹蒼蒼播穀時

桃源

我到瞿真上升處山川四望使人愁紫雲白鶴去不返唯

有桃花溪水流

題王侍御宅

門向滄江碧岫開地多鷗鷺少塵埃綠陰十里灘聲裏閑

自

一作去

一作即王家看竹來

聞湘南從叔朝覲

長沙地窄卻回時舟楫駸駸向鳳池爲報湘川神女道莫
教雲雨溼旌旗

漢陽太白樓

江上層樓翠謁閒滿簾春水滿窗山青楓綠草將愁去遠
入吳雲暝不還

醴陵道中

別酒離亭十里強半醒半醉引愁長無端寂寂春山路雪
打溪梅狼籍香

旅遊番禹獻涼公

帝鄉羣侶杳難尋獨立滄洲歲暮心野鶴棲飛無遠近稻
粱多處是恩深

引水行

一條寒玉走秋泉引出深蘿洞口煙十里暗流聲不斷行
人頭上過潺湲

歎靈鷲寺山榴

水蝶巖蜂俱不知露紅凝豔數千枝山深春晚無人賞卽
是杜鵑催落時

黃陵廟

黃陵廟前莎草春黃陵女兒茜裙新輕舟短櫂隨歌去水

遠山長愁殺人

案此詩一作湘妃歌

北亭

斜雨飛絲織曉空疏簾半捲野亭風荷花向盡秋光晚零
落殘紅綠沼中

送客往潯陽

春興春愁逐日長遠人天畔遠思鄉蘋生水綠不歸去孤
負東溪七里莊

江南

鱗鱗別浦起微波汎汎輕舟桃葉歌斜雪北風何處宿江

南一路酒旗多

贈人

曾畱宋玉舊衣裳
惹得巫山夢裏香
雲雨無情難管領
任他別嫁楚襄王

鷓鴣

錦羽相呼暮沙山
波上雙聲戛哀玉
霞明川靜極望中
一時飛滅青山綠

沅江漁者

倚櫂汀洲沙日晚
江鮮野菜桃花飯
長歌一曲煙靄深
歸去滄江綠波遠

和人贈別

嘯黛低紅別怨多深亭芳恨滿橫波聲中唱出纏餘意淚
落鐙前一曲歌

宿巫山廟二首

寂寞高堂別楚君玉人天上逐行雲停舟十二峯
簪下關佩仙香半夜聞

廟閉春山曉月光波聲回合樹蒼蒼自從一別襄王夢雲
雨空飛巫峽長

題櫻桃

春初攜酒此花開幾度臨風倒玉山今日夜深黃鸝
啼
奈惆悵不能攀

惱從兄

芳草萋萋飛芷汀南望雁書稀武陵洞裏尋春客已
被桃花迷不歸

紫極宮齋後

紫府空歌碧落寒曉星寥亮月光殘一羣白鶴高飛上唯
有松風吹石壇

春晚

思鄉之客空凝嘆天邊欲盡未盡春獨攀江樹深不語芳
草落花愁殺人

壽渾吉見訪

公子春衫桂水香遠衝飛雪過書堂貧家冷落難消日唯
有松筠滿院涼

山驛梅花

生在幽崖獨無主
溪蘿澗鳥爲儔侶
行人陌上不畱情
愁香空謝深山雨

重陽日上渚宮楊尙書

落帽臺邊菊半黃
行人惆悵對重陽
荊州一見桓宣武
爲趁悲秋入帝鄉

書院二小松

一雙幽色出凡塵
數粒秋煙二尺鱗
從此靜窗聞細韻
琴聲長伴讀書人

言懷

白鶴高飛不逐羣
嵇康琴酒鮑昭文
此身未有棲歸處
大

下人閒一片雲

二辛夷

狂吟亂舞雙白鶴
霜倒玉羽紛紛落
空庭向晚春雨微
卻斂寒香抱瑤萼

題龍潭西齋

寂寞幽齋暝煙起
滿徑西風落松子
遠公一去兜率宮
唯有門前虎溪水

中秋寄南海梁侍御

海靜天高景氣殊
鯨晴失彩蚌潛珠
不知今夜越臺上
望見瀛洲方丈無

戲贈姬人

骰子巡拋裏手拈無因得見玉纖纖
但知賭道金釵落圓
向人前露指尖

大庾山嶺別友人

質管無子鴛鴦飢毛彩凋摧不得歸
誰念火雲千嶂裏低
身猶傍鴈鵠飛

石門戍

到此空思吳隱之潮痕草蔓上幽碑
人來皆望珠璣去誰
詠貪泉四句詩

文殊院避暑

赤日黃埃滿世閒松聲入耳卽心閑
願尋五百仙人去一
清涼住雪山

南莊春晚二首

連雲草映一條陂，灘鷗雙雙帶水飛。
南村小路桃花落，細雨斜風獨自歸。

草暖沙長望去舟，微茫煙浪向巴邱。
沅江寂寂春歸盡，水綠蘋香人自愁。

湘妃廟

少將風月怨平湖，見盡扶桑水到枯。
相約杏花壇上去，畫欄紅紫鬪樛。
蒲 案此詩一見許彥周詩話作女仙題湘妃廟詩紅紫作紅于

題二妃廟

黃陵廟前春已空，子規啼血滴松風。
不知精爽歸何處，疑是行雲秋色中。
羣玉既賦此詩疑春空遂至秋色欲易之恍若有物告以二年之兆時潯陽太守段

成式志其事三年後果卒於洪井段以詩哭之云曾話黃
陵事今爲白日催老無男女累誰哭到泉臺又酒裏詩中
三十年縱橫唐突世喧喧明時
不作衡死傲盡公卿歸九泉

沅湘耆舊集前編卷第五終